

毛

詩

釋

地

毛詩釋地卷五

經學叢書之三

南海桂文燦

摯

大雅大明摯仲氏任

傳摯國任姓箋摯國中女曰大任從殷商之畿內  
嫁爲婦於周之京

周語昔摯疇之國也由大任韋注摯疇二國任姓  
奚仲仲虺之後大任之家也

案殷商舊畿爲今河南衛輝府治汲縣及淇滑  
諸縣地摯國當在諸縣境內然不可攷矣

洽陽 渭溪

在洽之陽在渭之溪

傳洽水也渭水也溪厓也

漢地理志左馮翊郃陽縣在郃水之陽隴西郡  
首陽禹貢鳥鼠同穴山在西南渭水所出東至船  
司空人河

說文郃左馮翊郃陽縣詩曰在郃之陽渭水出隴  
西首陽渭首亭南谷東南入海杜林說夏書以爲  
出鳥鼠山隴州淺

水經注郃陽城南有瀼水東流注于河水南猶有

文母廟前有碑去城十五里水卽郃水也縣取名焉

案今陝西同州府郃陽縣卽古郃陽地也縣西南今有金河卽郃水已今渭水出甘肅渭源縣鳥鼠山東流經甯遠伏羌又經陝西寶雞郿縣咸陽臨潼渭南至華陰縣入河是今渭南縣卽古渭涘矣

莘

續女維莘

傳莘大姒國也

水經注郃陽城故有莘邑大姒之國

輿地廣記同州郃陽縣古莘國

括地志古新女國城在同州河西縣南二十里

案古莘國在今陝西郃陽縣南三十里

牧野

矢于牧野牧野洋洋

傳矢陳洋洋廣也

魯頌閟宮于牧之野

箋文王武王繼太王之事至受命致太平天所以  
罰極紂于商郊牧野

尚書序武王戎車三百兩虎賁三百人與受戰于  
牧野作牧誓經曰時甲子昧爽王朝至于商郊牧  
野乃誓鄭注牧野紂南郊地名

說文母朝歌南七十里地周書武王與紂戰于母  
野

摺地志今衛州城卽殷牧野之地周武王伐紂築  
也

水經注霍水東南歷野自朝歌以南暨清水土地  
平衍據皋跨澤悉母野矣

案紂都妹土在朝歌北隋置衛縣于此唐武德

時爲衛州治卽今河南衛輝府淇縣也牧野當  
在今淇縣南迤邐逾淇水今日衛河至衛輝府治汲  
縣故九域志謂汲城亦牧野之地也

西水潞

縣篇率西水潞

傳潞水涯也箋循西水厓沮漆水側也

岐山  
史記周本紀古公去豳渡漆沮徐廣曰水在杜陽

案西水潞蓋卽漆水今出陝西永壽縣西境南  
流經乾州又經武功縣南流入渭之漢谷河側

也此爲自邠至岐必由之道史遷鄭君竝言沮  
漆連類而及者耳今沮水出陝西中部縣西境  
東流入洛在邠州東三四百里豈紆道而經此  
耶

岐下 岐陽

至于岐下

皇矣居岐之陽

箋地在岐山之南居渭水之側爲萬國之所鄉作  
下民之君後竟徙都于豐

魯頌闕宮居岐之陽



箋大王自幽徙居岐陽四方之民歸往之

孟子梁惠王篇昔者太王居邠狄人侵人去之岐山之下居焉

漢地理志右扶風美陽縣岐山在西北水中鄉周大王所邑

說文挹周文王所封在右扶風美陽縣中水鄉岐郊或从山支聲因岐山以名之也

水經注岐水 歷周原下北則水中鄉成周聚水北卽岐山

郡國志岐山亦名天柱山在鳳翔府岐山縣東北

十里

案美陽今爲陝西鳳翔府岐山扶風二縣岐山在今岐山縣東北十里岐下岐陽卽今岐山扶風二縣地也

周原

周原  
廡廡

傳周原沮漆之間也箋廣平日原周之原地在岐山之南

續郡國志右扶風美陽有岐山有周城周太王所徙南有周原

通典美陽故城在京兆府武功縣北七里

案今陝西鳳翔府岐山縣西北有周城太王邑  
于岐山之下卽此

虞芮

虞芮質厥成

傳虞芮之君相與爭田久而不平乃相謂曰西伯  
仁人也盍往質焉乃相與朝周入其竟而耕者讓  
畔行者讓路入其邑男女異路班白不提挈入其  
朝士讓于大夫大夫讓於卿二國之君感而相謂  
曰我等小人不可以履君子之庭乃相讓以其所

爭田爲閒田而退

桑柔序芮伯刺厲王也

箋芮伯畿內諸侯王卿士也字良夫

左氏桓三年傳芮伯萬之母芮姜惡芮伯之多寵人也故逐之出居于魏注芮國在馮翊臨晉縣又十年傳虢公出奔虞注虞國在河東大陽縣

漢地理志臨晉縣芮鄉故芮國

通典同州馮翊縣芮國

案大陽縣唐改平陸今屬山西解州直隸州古虞城在縣東北四十里今陝西同州府朝邑縣

有芮國故城今日南芮鄉北芮鄉在黃河西岸  
緜詩之虞芮乃殷諸侯桑柔之芮伯蓋其裔也  
左傳之虞其始封之君曰虞仲乃仲雍之孫武  
王滅殷之虞國而封之仍名曰虞猶成王滅唐  
以封大叔仍名曰唐也今陝西朝邑縣與山西  
平陸縣雖隔大河然相去不過二百餘里因田  
相爭亦近故也

涇

檣械淠彼涇舟

鳧鷖鳧鷖在涇

箋涇水名也

尙書禹貢雍州涇屬渭汭

周禮職方氏雍州其川涇汭注涇出涇陽

漢地理志安定郡涇陽 開頭山在西禹貢涇水

所出東南至陽陵入渭過郡三行千六十里雍州

川

說文涇水出安定涇陽開頭山東南入渭雝州之  
川也

案今涇水出甘肅平涼縣筭頭山東南流至陝

西高陵縣入渭

旱麓

旱麓瞻彼旱麓

傳旱山名也麓山足也

漢地理志漢中郡南鄭旱山池水所出東北入漢水經沔水東過魏興安陽縣南沔水出自旱山北注之又沔水篇云沔水出漢中南鄭縣東南旱山北自安定縣南入于沔酈氏沔水注云南鄭縣漢水右合池水水出旱山山下有祠

續郡國志劉昭注引華陽國志云有池水從旱山來

案華陽國志及酈注之池水卽漢志池水也池水潒水皆出自旱山蓋同源而異流者也南鄭故城在今陝西漢中府南鄭縣東二里旱山在縣西南十五里旱山今日籠蓋山池水今日老潒河

密

皇矣密人不共

傳國有密須氏

左傳密須之鼓與其大路文所以大蒐也注密須姑姓國文王伐之得其路鼓



國語周語密須由伯姑

呂氏春秋密須之民自縛其主而與文王

漢地理志安定郡陰密縣詩密人國

括地志陰密故城在涇州鶉觚縣西其東接縣城

卽古密國

郡縣志涇州靈臺縣西陰密故城卽古密國

案漢陰密縣今甘肅靈臺縣也古密國在縣西

五十里考密有二一姬姓河南密縣也一姑姓

卽此也世本應劭韋昭並云密須姑姓與杜同

阮 其

侵阮徂共

傳國有密須侵阮遂往侵共箋阮也徂也共也三國犯周而文王伐之密須之人乃敢距其義兵違正道是不直也

王氏地理考引張氏曰阮國名共阮國之地名皆在今涇州今有共池卽共也

案此章毛鄭義異毛謂密侵阮共而文王伐之與竹書紀年帝辛三十三年密人侵阮西伯帥師伐密相合古密國在今甘肅涇州靈臺縣州治在縣東北一百里相侵者地必相近此毛義

也鄭本魯詩說以阮徂共爲三國孫毓異同評  
謂文王七年五伐未聞有阮徂共三國助紂侵  
周文王伐之之事王肅孔晁畧同張融駁之從  
魯詩說近焦循毛詩補疏云尙書大傳文王二  
年伐邠三年伐密須疑邠卽是阮邠之於阮猶  
迂之於遠說文邠鄭邑也春秋傳鄭無邠邑此  
邠蓋卽鄆劉蕡爲邠之邠邠與阮同音又通於邠  
此詩稱侵阮而書傳稱伐邠蓋一地也按山井  
鼎考文古本阮正作邠是阮邠字同焦說申明  
鄭義也徐廣言邠在野王爲今河南河內縣地

縣西北三十里邗臺鎮卽古邗城是在殷商邦  
畿之內共亦當爲殷商畿內之國疑卽春秋之  
共國左氏隱元年傳大叔出奔共注共國今汲  
郡共縣此爲共伯和之國後并於衛閔二年傳  
共滕之民注衛別邑是也今爲河南輝縣地輝  
縣在河內縣東北約二百里助紂侵周必其地  
竝在殷商畿內也此鄭義也二說不同未詳孰  
是

鮮原 居岐之陽

度其鮮原居岐之陽

傳小山別大山曰鮮

箋度謀鮮善也方猶鄉也文王見侵阮而兵不見  
敵知已德盛而成行可以遷居定天下之心乃始  
謀居善原廣平之地亦在岐山之南居渭水之側  
爲萬國之所鄉作下民之君後竟徙都於豐

孟子梁惠王篇昔者文王之治岐也

左氏昭四年傳成有岐陽之蒐注岐山在扶風美  
陽縣西北

郡縣志鳳翔府岐陽縣蓋漢杜陽縣地貞觀七年  
置以在岐山之南因以名之

輿地廣記此詩所謂居岐之陽也文王始亦治焉  
元和三年省入扶風縣

括地志安陵故城在咸陽東二十一里周之程邑  
書文王肇國在西土

案漢扶風美陽縣今陝西扶風縣也岐山在縣  
東北四十里一名天柱山山南爲周原縣篇所  
謂周原膺膺也詩譜正義引皇甫謐曰豐在京  
兆鄠縣東豐水之西文王自程徙此案皇矣篇  
文王既伐密須徙於鮮原從鮮原徙豐而謐云  
自程非也此詩正義言大王於遷已在岐山此

亦在岐山之陽去舊都不遠周書稱文王在程  
作程寤程典皇甫謐云文王徙宅於程蓋謂此  
也又以此詩鮮原卽爲宅程與詩譜疏異近惠  
棟詩古義又據逸周書和寤解王乃出圖商至  
於鮮原竹書紀年帝辛五十二年秋周師次於  
鮮原以爲鮮原在商周之境以正義及蘇氏皆  
謂鮮原卽程邑爲誤竊謂疏及蘇說不誤惠以  
鮮原爲在商周之境而下云岐陽渭將與商地  
絕不相涉似誤矣鮮原蓋謂山下平原二字非  
地名也度其鮮原卽公劉篇陟降在嶽與降原

劉舉此則鮮與原對舉非連稱爲地名也公劉傳嶺小山別於大山也與此傳小山別大山曰鮮正同鮮獻古字通月令鮮羔卽豳風之獻羔是其證古者建國必先相度其山川原隰定之方中篇景山與京降觀於桑縣篇周原膺膺公劉篇于胥斯原陟則在嶺復降在原瞻彼溥泉迺陟南岡相其陰陽度其隰原度其夕陽皆與此詩度其鮮原同義鮮原之非地名可不解而自明矣鄭箋訓鮮爲善疏因言文王徙鮮原似不若毛義爲長



崇

以伐崇墉

傳墉城也箋崇侯虎倡紂爲無道

左氏宣元年晉趙盾帥師侵崇注崇秦之與國  
通典崇國在京兆府鄠縣

案殷之崇國在今陝西鄠縣東春秋之崇蓋崇  
侯虎之故國周既滅之又別封諸侯也

豐

文王有聲作邑于豐

箋作邑者徙都于豐以應天命

作豐伊匹

傳匹配也箋方十里曰成築豐邑之城大小適與成偶大于諸侯小于天子之制

維豐之垣

箋作邑于豐城之既成又垣之

尙書召誥王朝步自周則至于豐馬注周鎬京也鄭注於此從鎬京行至于豐就告文王廟

左氏僖二十四年傳鄭文之昭也注鄭國在始平鄠縣東又昭四年傳康有鄭宮之朝注鄭在始平鄠縣東

說文酆周文王所都在京兆杜陵西南

括地志酆縣東三十五里有豐宮

案今陝西西安府治東南十五里有故杜陵城  
一統志豐宮在今西安府酆縣東五里文王作  
邑于豐時所居

豐水

豐水東注

箋昔堯時洪水而豐水亦汎濫爲害禹治之使入  
渭東注于河

漢地理志右扶風酆酆水出東南又有湑水皆北

過上林苑入渭

案今酆水出陝西酆縣北流至咸陽縣入渭

郃

生民有郃家室

傳郃姜嫄之國也堯見天因郃而生后稷故國后稷於郃命使事天以顯神順天命耳

左氏昭九年傳魏駘芮岐畢吾西土也注駘在始平武功縣所治釐城

漢地理志右扶風醴縣

說文郃炎帝之後姜姓所封周棄外家國右扶風

檠縣是也詩曰有郃家室

案郡國志無檠縣郃下有郃亭蓋檠縣併入郃也郃亭杜預謂之檠城徐廣謂之檠鄉今陝西乾州武功縣西南二十二里故檠城是其地也

隰原

公劉于胥斯原

度其隰原

鄭氏譜幽者今屬右扶風枸邑在禹貢雍州岐

山之北原隰之野

尚書禹貢原隰底績至于豬野鄭注詩云度其隰

原卽此原隰是也原隰幽地從此致功西至豬野之澤也地理志都野在武威名曰休屠澤

逸周書度邑解史記周本紀竝言武王徵九牧之君登幽之阜以望商邑

括地志幽州三水縣西十里有幽原幽城在北原上

案今陝西邠州及三水縣卽古幽地

百泉 溥原 流泉

遙彼百泉瞻彼溥原

觀其流泉

郡縣志邠州三水縣以縣界有羅川谷三泉竝流故以爲號幽城在縣西高泉山亦曰甘泉在永壽縣北二十五里五龍原在新平縣南三里原側有五泉水因名

王氏地理考引曹氏曰漢朝那縣屬安定郡隋改爲百泉縣屬平涼郡魏於其地置原州唐因之百泉溥原卽其處

案漢朝那縣故城在今甘肅平涼縣北三水縣故城在今甘肅固原州東北百泉溥原當竝在其間矣

皇澗 過澗

夾其皇澗遡其過澗

傳皇澗名遡鄉也過澗名也

寰宇記真甯縣大陵水下引水經注云大陵小陵  
水出巡和南殊川西南逕甯陽城故幽詩曰夾其  
皇澗陵水卽皇澗也

王氏地理考引傳氏曰二澗當在邠州界

案甯陽城真甯縣今陝西邠州三水縣也縣東  
北有水今日汎河西南流經縣城入涇蓋卽大  
陵小陵水卽詩之皇澗過澗矣寰宇記涇水下



引水經涇水出安定涇陽高山注引山海經曰  
高山涇水出焉東流注于渭入關謂之八水古  
八水卽今之汎河也邠州西北古爲塞外邠州  
三水之間古當有關故云入關謂之八水也

芮鞠

芮鞠之卽

周禮職方氏雍州其川涇汭注汭在鹵地詩大雅  
公劉曰汭坵之卽

漢地理志芮水出右扶風汭縣吳山西北東入涇  
詩芮隄雍州川也

案今芮水出甘肅華亭縣東流入涇

凡伯

大雅板序凡伯刺厲王也

箋凡伯周同姓周公之盾也入爲王卿士

春秋隱七年天王使凡伯來聘注凡國伯爵也汲  
郡其縣東南有凡城又左氏僖二十四年傳凡蔣  
邢茅胙祭周公之盾也

郡縣志故凡城在衛州共城縣西二十里古凡伯  
國

通典凡伯國在衛州黎陽縣

案凡故城在今河南衛輝府輝縣西南二十里

鬼方

蕩篇覃及鬼方

傳鬼方遠方也

易高宗伐鬼方干寶注鬼北方國也

大戴禮帝繫楚爲陸終子季連之後其母爲鬼方氏

孟子太王事獯鬻注北狄驅者今匈奴也音義夏曰獯鬻商曰鬼方周曰玁狁秦漢曰匈奴魏曰突厥

世本黃帝娶于鬼方氏宋均注鬼方於宋則先零  
羌

後漢書肅宗紀克伐鬼方開道西域西羌傳殷室  
中衰諸侯皆叛至于武丁征西戎鬼方三年乃克  
竹書紀年武乙三十五年周王季伐西落鬼方

案周易干注孟子音義並以鬼方爲北方之國  
世本後漢書竹書紀年並以鬼方爲西方之國  
二說互異詩言覃及所包甚廣傳以鬼方爲遠  
方最得經意蓋兼西北二者言之西方今爲西  
番北方則今蒙古也惠棟據大戴禮及竹書紀

年又云武丁三十二年伐鬼方次於荆證鬼方  
爲荆楚謂殷武卽伐鬼方之詩又以鬼方爲在  
南竊謂大戴禮言季連之母爲鬼方非謂其父  
爲鬼方也楚在南娶於西北豈得遂謂楚爲西  
北耶竹書紀年前後互異似不足信且後漢書  
殷武征西戎與伐荆楚爲二事竹書紀年誤合  
爲一亦不足據也惠說失之

仍

雲漢序仍叔美宣王也宣王承厲王之烈內有撥亂  
之志遇裁而懼側身修行欲銷去之天下喜于王

化復行百姓見憂故作是詩也

箋仍叔周大夫也春秋魯桓公五年夏天王使仍叔之子來聘

左氏公羊桓五年天王使仍叔之子來聘穀梁仍作任

案左氏公羊作仍穀梁作任古通字也昭二十二年王師軍于汜于解次于任人任人當卽仍叔之仍杜注洛陽西南有大解小解大解城在今河南洛陽縣南其小解城在縣西南汜當爲西汜今河南汜水縣任人蓋今河南新安澠池

諸縣境內然不可考矣

四嶽

崧高崧高維嶽

傳崧高貌山大而高曰崧嶽四嶽也東嶽岱南嶽衡西嶽華北嶽恆

周頌般篇陟其高山

傳高山四嶽也

左氏昭四年傳四嶽注東嶽泰西嶽華東嶽衡北嶽恆釋例云東嶽泰山奉高縣泰山也南嶽長沙湖南縣衡山也西嶽宏農華陰縣西南華山也北

嶽中山曲陽縣西北恒山也

漢地理志岱山在泰山郡博陽西北太華山在京兆華陰縣南衡山在長沙國湘南縣東南恒山在常山上曲陽縣西北

案泰山在今山東泰安府泰安縣北五里華山在今陝西同州府華陰縣南八里衡山在今湖南衡州府衡山縣西恒山在今直隸定州曲陽縣西北

甫申

維嶽降神生甫及申維申及甫維周之翰



傳堯之時姜氏爲四伯掌四嶽之祀述諸侯之職  
於周則有甫有申有齊有許也箋申申伯也甫甫  
侯也皆以賢知人爲周之楨榦之臣甫侯相穆王  
訓夏贖刑美此俱出四嶽故連言之

左氏隱元年傳鄭武公娶於申注申國今南陽宛  
縣

尙書呂刑大傳作甫刑禮記孝經同

史記周本紀呂侯漢書古今人表作甫侯

案呂與甫古字通周語富辰言申呂雖衰齊許  
猶在又曰齊許申呂由大姜則申呂始封蓋在

周以前矣其後申絕至宣王時申伯以王舅改  
封于謝其地在今河南南陽府鄧州而漢志南  
陽郡宛縣故申伯國則今河南南陽府南陽縣  
北故申城也申伯雖封于謝而其後仍國于申  
鄧州在南陽府之西南莊六年左氏傳云楚文  
王伐申過鄧是以知申在南陽縣也楚旣滅申  
以爲縣子重請申呂以爲賞田申公巫臣曰不  
可此申呂所以邑呂亦在南陽縣故合言之也

鄢

王餞于鄢

傳郿地名箋餞送行飲酒也時王蓋省視岐周故  
于郿云

漢地理志右扶風郡郿縣

說文郿右扶風縣

案今陝西鳳翔府郿縣東北十五里渭水之北  
有故郿城

仲山甫

烝民生仲山甫

傳仲山甫樊侯也

左氏隱十一年傳溫原緡樊注一名陽樊野王縣

西南有陽城又僖二十五年傳與之陽樊溫原攢  
茅之田續郡國志河內郡修武故南陽秦始王所  
更有南陽城陽樊攢茅田服虔曰樊仲山甫之  
所居故名陽樊

後漢樊宏傳其先周仲山甫封于樊因而氏焉

案陽樊在今河南懷慶府濟源縣東南三十八  
里

城東方

城彼東方

傳東方齊也古者諸侯之居逼隘則王遷其邑而

定其居蓋去薄姑而遷於臨菑也

史記齊世家獻公元年徙薄姑都治臨菑

案太公所封國都今山東臨淄縣西北營邱城是也後胡公徙都薄姑則在今山東博興縣東北臨菑故城則在今山東青州府治益都縣北五十里又名齊城漢書臣瓚注謂臨菑城中有邱卽營邱合臨菑營邱爲一地應邵又謂漢營陵在今昌樂縣者爲營邱竝失之又按史記所言獻公計當夷王之時與毛傳不合或考史記齊國本封營邱至胡公徙薄姑獻公殺胡公而

徙臨菑則當夷王時再世而厲公暴虐胡公子  
入齊與齊人攻殺厲公胡公子亦死齊人乃立  
厲公子赤是爲文公而誅殺厲公者七人事在  
宣王之世築城之命疑在斯時蓋出定齊亂也  
然此與傳因逼隘而遷之說異傳聞異辭闕疑  
可耳

梁山 韓城

韓奕奕奕梁山 韓侯受命 溥彼韓城

箋梁山於韓國之山最高大爲國之鎮祈望祀焉

梁山今在馮翊夏陽西北韓姬姓之國也後爲晉所滅故大夫韓氏以爲邑名焉

王肅云今涿郡方城縣有韓侯城世謂之寒號非也王符潛夫論曰昔周宣王時有韓侯其國近燕故詩云溥彼韓城燕師所完

水經注濕水徑良鄉縣之北界歷梁山南高粱水出焉鮑邱水過潞縣西高粱水注之水首受濕水於戾陵堰堰水枝分東逕梁山南又聖水經方城縣故城北又東南逕韓侯城東詩溥彼韓城燕師所完王錫韓侯其追其貊奄受北國

魏書地形志范陽郡方城縣東韓侯城

案王肅謂韓侯城在涿郡方城縣與鄭說謂在  
夏陽西北者異潛夫論已有此說當是三家遺  
說非始于王肅也水經注地形志所紀最爲明  
確又按史記燕世家易水東分爲梁門今順天  
府固安縣有方城村卽漢方城縣地潞縣今之  
通州其西有西山正當固安縣之東北也禹治  
冀州水恒衛旣從則燕地之山亦其所奠矣舊  
說以梁山在夏陽因以同州韓城縣爲故韓國  
同州今屬陝西西安府其地去燕二千餘里古



者司空掌邦土量地遠近興事任力豈有役二千里以外之人而築城之事召伯營申亦曰因是謝人齊桓城邢不過宋曹二國況其追其額皆爲東北之夷奄受北國當屬幽燕之域而靡國不到亦謂韓土遠在北陲也

屠

出宿于屠

傳屠地名也

說文鄆左馮翊鄆陽亭

段注謂左馮翊鄆陽亭也各本作鄆陽亭誤屠鄆古

字今

王氏地理考引潯水李氏以爲同州鄠谷

案鄠谷亦作茶谷今日南茶故城在今陝西同州府郃陽縣東大河西岸李氏詩解頤曰同州鄠谷似太遠或以爲屠杜古通卽鄠縣之杜陵則在鎬南非適韓之道當更詳之近或從杜陵之說謂祖餞出宿或因道里所便不必往北方者定出國之北門而祖餞也無庸以鎬在杜南爲疑按周都鎬京在今陝西長安縣西南同州府在今長安縣東北二百四十里郃陽又在同州府東北一百里李氏故以太遠爲疑然祖餞

送行可遠可近邵陽適在大河西岸當是送至  
河干矣杜陵之說殆未然也且祖餞北行者不  
必定出北門而北行出宿者斷無自南之理季  
氏非適韓之道一語最爲得之

燕

燕師所完

左氏莊三十年傳以其病燕故也注今薊縣又襄  
二十八年傳北燕伯注燕國今薊縣

漢地理志薊縣故燕國召公所封

案北燕姬姓召公奭之後漢薊縣今順天府大

興縣也

百蠻 追貊 北國

因時百蠻王錫韓侯其追貊奄受北國

傳因時百蠻長是蠻服之百國也追貊戎狄國也  
箋韓侯先祖居韓城爲侯伯其州界外接蠻服今  
王以韓侯賢賜之蠻服追貊之戎狄令撫柔其所  
受王畿北面之國因以其先祖侯伯之事盡予之  
皆美其爲人子孫能興復先祖之功其後追也貊  
也爲儼狁所逼稍稍東遷

周官職方氏九貉六狄鄭司農云北方曰貉狄

史記匈奴傳居于北蠻

說文貉北方多種也

鄭志荅趙商云九貉卽九夷也又秋官貉隸注云  
征東北夷所獲是貉者東夷之種而分居於此時  
貉爲韓侯所統

漢書高帝紀高祖四年北貉燕人來致梟騎助漢  
案角弓如蠻如髦傳云蠻南蠻也自以對髦爲  
西夷故言南蠻此以百蠻爲蠻服之百國則是  
謂九州之外皆百蠻之地周語蠻夷要服戎狄  
荒服韋注以要服當周禮蠻服以荒服當夷鎮

蕃三服禹貢荒服三百里蠻二百流卽周鎮蕃之地世一見之國故要服曰蠻荒服亦曰蠻此詩言北國而曰百蠻者史記匈奴傳居于北蠻王褒四子講德論匈奴者百蠻之最强者是也抑用邊蠻方箋云蠻方蠻畿之外蓋亦謂九州之外通爲蠻地耳百蠻追貊竝爲北國蓋今之漠南內蒙古諸部也

### 淮夷

江漢淮夷來求

傳淮夷東國在淮浦而夷行也

尙書禹貢徐州淮夷鄭注淮夷淮水之上夷民  
書序武王崩三監及淮夷叛周公相成王將黜殷  
作大誥成王東伐淮夷遂踐奄作成王征成王旣  
黜殷命滅淮夷還歸在豐作周官魯侯伯禽宅曲阜  
徐夷并興東郊不開作費誓

案淮夷淮南北近海之夷民今江南淮安揚州  
二府近海之地皆是也

南海

至于南海

爾雅釋地九夷八狄七戎六蠻謂之四海舍人李

巡注晦冥無識不可教誨故曰四海孫炎曰海之言晦晦闇於禮義也

案四海卽四夷則南海亦上云淮夷耳今江南淮安揚州二府近海之地皆是也

淮浦

常武率彼淮浦

傳浦厓也

案今淮水自河南桐柏縣北境東流經信陽州北正陽縣南羅山縣北息縣南光州北入江南界經潁州府潁上縣南壽州北懷遠縣南鳳陽



縣北人洪澤湖至清河縣與南河合率彼淮浦  
蓋循此厓而行也

徐

省此徐土

徐方繹騷

濯征徐國

左氏僖公三年徐人取舒注徐國在下邳僮縣東  
南

漢地理志臨淮徐縣故徐國

續郡國志下邳國云徐本國

括地志大徐城在在泗州徐城縣北三十里古徐國也又云泗州徐城縣今徐城鎮在泗之臨淮鎮北三十里有故徐城號大徐城周十一里中有偃王廟

郡縣志徐城縣本徐之國也周穆王時徐王偃好行仁義東夷歸之者四十餘國穆王發楚師襲其不備而大破之殺偃王其子遂北徙彭城原東山之下百姓歸之號曰徐山山在下邳之縣界

案今安徽泗州北八十里有徐城相傳爲徐偃王所築蓋卽春秋及此詩之徐矣正義謂此徐

當在徐州之地未必卽春秋徐子之國失之至  
魯頌言遂荒徐宅說文作邾云邾下邑地魯東  
有邾城當爲今山東鄒縣地宣王時已屬魯固  
與此詩之徐無涉耳

程

命程伯休父

傳程伯休父始命爲大司馬

續郡國志洛陽有上程聚故程國伯休父之國也  
案今河南河南府治洛陽縣城東二十里洛陽  
故城卽古洛陽縣也上程聚蓋在縣境

毛詩釋地卷五

毛詩釋地卷六

經學叢書之三

南海桂文燦

洛邑

周頌清廟序祀文王也周公既成洛邑朝諸侯率以祀文王焉

箋成洛邑居攝五年時

尙書洛誥予惟乙卯朝至於洛師我卜河朔黎水我乃卜瀾水東瀍水西惟洛食我又卜瀍水東亦惟洛食鄭注我以乙卯日至于洛邑之衆觀召公所卜之處皆可長久居民使服田相食瀍水東既

成名曰成周今洛陽縣是也召公所卜處名曰王城今河南縣是也

逸周書王會解成周之會天子南面立纁無繁露朝服八十物摺珽唐叔荀叔周公在左太公在右皆纁亦無繁露朝服七十物摺笏旁天子而立於堂上又作雒解作大邑成周於土中城方千七百二十丈郭十七里南繫於洛水北因於邠山以爲天下湊

左氏隱二年傳秋又取成周之禾注洛陽縣也又昭二十六年經天王入于成周注今洛陽

案周王城漢爲河南縣故城在今河南洛縣西北成周漢爲雒陽縣河南郡治故城在今河陽洛陽縣東北二城東西相去四十里而今洛陽縣介二故城之間隋大業初營新都始移二縣於都城内金又省河南入洛陽也

### 高山

天作天作高山

箋高山謂岐山也書曰道岍及岐至于荆山

漢地理志美陽縣禹貢岐山在西北中水鄉周大

王所邑

續郡國志美陽有岐山有周城

郡縣志岐山亦名天柱山在鳳翔府岐山縣東北四十里

案美陽今爲陝西鳳翔府岐山扶風在今岐山縣東北十里

喬嶽

時邁及河喬嶽

傳喬高也高嶽代岱宗也

魯頌閟宮泰山巖巖

案泰山舜典禹貢周禮職方竝作岱山在今山



東泰安府城北五里

二王之後

振鷺序二王之後來助祭也

箋二王夏殷也其後杞也宋也

括地志汴州雍邱縣古杞國

案杞國今山東青州府之安邱縣及昌樂縣東南境諸城縣東北境宋地見前

四嶽

般序巡狩而祀四嶽河海也

於皇時周陟其高山

傳高山四嶽也

尙書堯典歲二月東巡守至於岱宗五月南巡守至于南岳八月西巡守至于西岳十有一月朔巡守至于北岳

周官職方氏正南曰荊州其山鎮曰衡又河南曰豫州其山鎮曰華山又河東曰兗州其山鎮曰岱山正北曰并州其山鎮曰恆山注衡山在湘南華山在華陰岱在博恆山在上曲陽

左氏昭公四年傳云四嶽注東嶽岱西嶽華南嶽衡北嶽恆釋例云東嶽泰山奉高縣泰山也南嶽

長沙湖南縣衡山也西嶽宏農華陰縣西南華山也北嶽中山曲陽縣西北恆山也

爾雅釋山河南華河西嶽河東岱河北恆江南衡又泰山爲東嶽華山爲西嶽霍山爲南嶽恆山爲北嶽嵩高爲中嶽

漢地理志岱山在泰山郡博縣西北京兆華陰縣南有太華山衡山在長沙國湘南縣東南恆山在上曲陽縣西北

案泰山在今山東泰安縣北五里華山在今陝西華陰縣南十里衡山在今湖南衡山縣西北

三十里恆山在今山西渾源州南二十里爾雅  
前後二文互異前文乃爾雅本文後文與羣經  
竝違此蓋漢人釋入者說詳爾雅五嶽辨

翕河

允猶翕河

傳翕合也箋何言合者河自大陸以北敷爲九祭  
者合爲一

尙書禹貢九河旣道鄭注河水自上至此流盛而  
地平無岸故能分爲九以衰其勢壅塞故通利之  
也九河之名徒駭大史馬頰覆釜胡蘇簡挈鉤盤

鬲津周時齊桓公塞之同爲一河今河間弓高以東至平原鬲津往往有其遺處焉又北播爲九河鄭注播猶散也

爾雅釋水九河徒駭注曰今在成平縣大史注曰今所在未詳馬頰注曰河勢上廣下狹狀如馬頰覆鬴注曰水中可居往往而有狀如覆釜胡蘇注曰東光縣今有胡蘇亭簡注曰水道簡易絮注曰水多約挈鉤盤注曰水曲如鉤流盤桓也鬲津注曰水多阨狹可隔以爲津而橫渡

漢地理魏郡鄴故大河在東北入海河間國弓高

三言  
二  
庫池別河首受庫池河東至平舒入海樂成庫池  
別水首受庫池河東至東光入庫池河渤海郡東  
光有胡蘇亭成平庫池河民曰徒駭河平原郡鬲  
平當以爲鬲津

案漢志言故大河在鄴東北者漢時河水自黎  
陽以南皆禹河故道此明禹河異于漢時自鄴  
始也以今地考之自河南濬縣北流至臨漳縣  
境今濬縣之衛河蓋其故瀆其過臨漳境者今  
潞自臨漳以北則漢時漳水所行歷今直隸鉅  
鹿新河兩縣東北行歷冀州深州衡水武邑武

強阜城獻縣河間大城青縣北至天津至于渤海乃古徒駭河之故道今日子牙河是也漢弓高縣今阜城縣漢成平縣今武邑縣也漢志鬲縣下云平當以爲鬲津者徒駭最北鬲津最南今山東德州北有鬲津枯河東北行歷直隸吳橋縣南鬲津縣北又歷山東樂陵縣北直隸慶雲縣南山東海豐縣西北又東北入于海乃古鬲津河之故道今日老黃河者是也禹疏九河齊桓塞之其分瀆故迹今不可考許商言自鬲以北至徒駭間相去二百餘里七河當在此地

蓋今山東德州以北直隸河間以南皆禹河之分  
嶺也又按漢鬲縣故城在今德州北德州北與  
直隸東光接界東光屬渤海郡漢志于勃海郡  
下云莽曰迎河屬幽州迎河卽禹貢北播爲九  
河同爲逆河則王莽亦謂九河在此與許商說  
合也

魯

魯頌

鄭氏謂魯者少昊摯之虛也國中有大庭氏之庫  
則大庭氏亦居茲乎在周公歸政成王封其元子



伯禽于魯其封域在禹貢徐州大野蒙羽之野  
禮記明堂位是以封周公於曲阜地方七百里  
括地志兗州曲阜縣外城卽伯禽所築古魯城也  
案曲阜縣今屬山東兗州府考曲阜本奄國都  
成王滅奄乃封魯明堂位言成王封周公于曲  
阜地方七百里魯頌言奄有龜蒙遂荒大東保  
有鳧繹遂荒徐宅則魯之封域廣矣以今地界  
約考之北與齊分泰山西南與曹分濟水南近  
邾滕而西南至金鄉魚臺單縣西隣于宋東抵  
諸城濱海東北與莒爲隣今青州府莒州也封

域七百里蓋有過之無不及矣

泮水

泮水思樂泮水

傳泮水泮宮之水也天子辟廱諸侯泮宮箋泮之言半也半水者蓋東西門以南通水北無也

禮記王制天子曰辟廱諸侯曰類宮注尊卑學異名辟明也廱和也所以明和天下類之言斑也所以班政教也

又禮器魯人將有事於上帝必先有事於類宮注類郊之學也詩所謂類宮也字或爲郊宮

又明堂位類宮周學也

劉向五經通義泮水者泮之言半也天子曰辟雍謂以土壅水外員如璧故曰辟雍又取四方來觀者平均耳泮宮水壅其泮口東西門以南通北無水也

白虎通義諸侯曰泮宮者半於天子宮也明尊卑有差所化少也半者象璜也獨南面禮儀之方有水耳其餘壅之言垣宮名之別尊卑也明不得化四方也

說文泮宮諸侯鄉射之宮也西南爲水東北爲牆

水經泗水注靈光殿魯恭王之所造也殿之東南  
卽泮宮也在高門直北道西宮中有臺高八十尺  
臺南水東西百步南北六十步臺西水南北四百  
步東西六十步臺池咸結后爲之詩所謂思樂泮  
水也

通典魯郡泗水縣有泮水

案泗水縣今隸山東兗州府泮水一名雩水源  
出曲阜縣治西南西流至兗州府城東入泗

戎狄

閼宮戎狄是膺

春秋隱二年公會戎于潛注陳西濟陽縣東南有  
戎城

莊十一年公追戎于濟西

案今山東曹縣有故戎城

龜蒙

奄有龜蒙

傳龜山也蒙山也

尚書禹貢蒙羽其藝鄭注蒙羽二山名

論語季氏將伐顓臾孔子曰昔者先王以爲東蒙  
主疏山在魯東故曰東蒙也

春秋定公十年齊人來歸鄆謹龜陰之田注三邑皆汶陽田泰山博縣北有龜山陰田在其北也

漢地理志泰山郡蒙陰禹貢蒙山在西南有祠顯夷國在蒙山下

劉芳徐州記蒙山高四十里長六十九里西北接新泰縣界

齊乘龜山在今費縣西北七十里蒙山在龜山東二山連屬長八十里

案蒙山卽東蒙孟子又曰東山皆以在魯東故也在今山東沂州府蒙陰縣南四十里西南接

費縣界自元和志寰宇記誤析爲二謂在新泰  
縣東八十八里費縣西北八十里者爲蒙山在  
費縣西北七十五里者爲東蒙山後人惑之遂  
誤以龜山當蒙山蒙山爲東蒙而龜山之名隱  
沒矣或更謂在東者爲東蒙中央者爲雲蒙在  
西者爲龜蒙尤誤也龜山在今泰安府新泰縣  
西南兗州府泗水縣東北山北有沃壤春秋時  
龜陰之田卽此二山相連延袤八十餘里

大東 海邦

遂荒大東至于海邦

箋大東極東正義大東之下卽云至于海邦故以東爲極東言其極盡地之東偏

案魯頌譜云其封域在禹貢徐州大野蒙羽之野水經淮水注云游水又北厯羽山西漢地理志曰羽山在祝其縣東南堯得舜進十六族殛鯀于羽山是爲檣杪漢祝其故城在今江蘇海州屬贛榆縣西五里羽山在今山東沂州府泊東南海州治西北贛榆縣西南郟城縣東北一山跨四州縣之境是魯國東境自周公以來卽至海也



鳧繹

保有鳧繹

傳鳧山也繹山也

左氏文十三傳邾文公卜遷于繹注邾邑魯國鄒縣北有繹山又宣十一年傳公孫歸文帥師伐鄭取繹注同上又哀七年傳邾眾保於繹注邾山也在鄒縣北

史記秦本紀秦始皇上鄒嶧山刻石頌功德

漢地理志魯國鄒縣故邾國嶧山在北

水經泗水注云鄒水又逕魯國鄒山東南而西南

流春秋左傳所謂嶧山也。邾文公之所遷。又曰山北有絕巖。秦始皇觀禮于魯。登于嶧山之上。命丞相李斯以大篆勒銘山嶺。名曰書門。詩所謂保有鳧繹也。

郡縣志。鳧山在兗州鄒縣東南三十八里。繹山一名鄒山。在鄒縣南二十二里。

案今山東兗州府鄒縣南二十二里有繹山。鄒縣東南四十里有鳧山。此繹山與禹貢之嶧陽異。禹貢嶧陽又名葛嶧山。漢志說文并云在東海下邳縣西。在今江南淮安府邳州西南孔疏。

合爲一非也

徐宅

遂荒徐宅

書序魯侯伯禽宅曲阜徐戎並興東郊不開作費  
誓經曰公曰嗟人無譁聽命徂茲淮夷徐戎並興  
左氏昭元年傳周有徐奄注二國贏姓

史記魯世家傾公十九年楚伐我取徐州

說文邾邾下邑地魯東有邾城

案春秋隱元年邾儀父注邾今魯國鄒縣也鄒  
縣今屬山東兗州府邾城蓋在縣境

三言卷六  
蠻貊

淮夷蠻貊

傳惟夷蠻貊而夷行也

左氏成六年傳晉伯宗伊雒之戎陸渾蠻氏侵宋  
注蠻氏戎別種也河南新城縣東南有蠻城又昭  
十六年傳使然丹誘戎蠻子嘉殺之注河南新城  
縣東南有蠻城

續郡國志新城有郛聚古郛氏今名蠻中

說文蠻南蠻它種从虫絲聲

水經汝水自河南梁縣勉鄉西天息山東南過其

縣北注汝水自狼皋山東出峽謂之汝阨也東歷  
麻解城北故鄆鄉城也謂之蠻中左傳所謂單浮  
餘圍蠻氏蠻氏潰者也杜預曰城在河南新城縣  
之東南伊洛之戎陸渾蠻氏城也俗以爲麻解城  
蓋蠻麻讀聲近故也

案今河南汝州西南有蠻城一名蠻中聚俗呼  
麻城卽古蠻子國也但周官職方八蠻鄭司農  
云南方曰蠻今河北猶呼江南人爲蠻子則蠻  
似非一種蓋大江以南多有之其地今不可盡  
考耳

常許

居常與許

傳常許魯南鄙西鄙箋許許田也魯朝宿之邑也  
常或作嘗在薛之旁春秋魯莊公三十一年築臺  
於薛是與周公有嘗所由未聞也六國時齊有孟  
嘗君食邑於薛

左氏隱八年傳鄭伯請釋泰山之祀而祀周公以  
泰山之祊易許田注成王營王城有遷都之志故  
賜周公許田以爲魯朝宿之邑後世因而立周公  
別廟焉鄭桓公周宣王之母弟封鄭有助祭泰山

湯沐之邑在祊鄭以天子不能復巡守故欲以祊  
易許田各從本國所近之宜許田近許之田又莊  
三十一年築臺於薛注魯地

寰宇記許田在許州許昌縣城南四十里有魯城  
周公廟在城中

案今河南許州西南四十里有魯城後置邑卽  
許田也薛國在今山東滕縣南四十里

徂來

徂來之松

傳徂來山也

水經注汶水出泰山萊蕪縣原山西南逕羈縣故城南又東南逕奉高縣北屈從縣西南流與一水合俗謂之牟汶又南右合北汶又西南逕徂徠山西又南逕博縣故城東又云徂徠山多松柏詩所謂徂徠之松也鄒山記云徂徠山亦曰尤徠之山也在梁父奉高博縣界猶有美松

郡縣志徂徠山亦曰尤徠山在兗州乾封縣

案徂來山在今山東泰安府治東南四十里咸豐癸丑之夏嘗過山側今猶青松綠鬱云漢傳縣唐曰乾封故城亦在今府治東南



新甫

新甫之柏

傳新甫山也

後漢志魯郡汶陽縣有新甫山通典漢汶陽故城  
在兗州泗水縣東南

案元和志乾州縣界有五汶源別而流同五汶  
者北汶瀛汶柴汶牟汶其一則經流也胡朏明  
謂酈注無贏汶贏汶在今萊蕪縣南三十里源  
出宮山之陰流合牟汶宮山者新甫之別名也  
山在新泰縣西北又云五汶之外又有小汶在

泰安東南七十里源出宮山流逕徂徠山南又  
西入汶水所謂大汶口也新甫在新泰西北卽  
在徂徠東南已

商

商頌

鄭氏譜商者契所封之地其封域在禹貢徐州泗  
濱西及豫州盟豬之野

史記殷本紀契封于商賜姓子氏集解引鄭康成  
曰商國在太華之陽皇甫謐曰今上洛商是也索  
隱曰堯封契于商卽詩商頌云有妣方將帝立子

生商是也張守節引括地志云商州東八十里商洛縣本商邑古之商國帝嚳之子尙所封也

水經丹水篇丹水又東南過商縣南注契始封商魯連子曰在太華之陽皇甫謐闕駟竝以爲上洛商縣也殷湯之名起于此矣

案契所封商地乃今陝西商州直隸州也正義引服虔王肅以契孫相土居商邱故湯以爲國號商邱爲今河南歸德府商邱縣地經但言商非言商邱服氏王肅之說非也

殷土

商頌元鳥宅殷土芒芒

箋自契至湯八遷始居亳之殷地而受命正義書  
序云自契至干成湯八遷湯始居亳又云盤庚五  
遷將治亳殷則殷是亳地之小別名故知湯是亳  
之殷地而受命者也

史記殷本紀自契至湯八遷湯始居亳從先王居  
張守節曰括地志宋州穀熟縣西南三十五里南  
亳故城卽南亳湯都也宋州北五十里爲大蒙城  
爲景亳湯所盟地因景山爲名河南偃師爲西亳  
帝嚳及湯所都盤庚亦徙都之張守節按亳偃師

城也商邱宋州也湯卽位都南亳後徙西亳也殷  
本紀又云帝盤庚之時殷已都河北盤庚渡河復  
居成湯之故居又云乃遂涉河南治亳集解引鄭  
元曰治于亳之殷地商家自此徙而改號曰殷

案皇甫謐以穀熟爲亳湯所都卽孟子湯居亳  
與葛爲鄰葛則甯陵之葛鄉也蒙爲北亳湯所  
盟偃師爲西亳盤庚所遷也鄭以湯都偃師正  
義據漢地理志舊說而于皇甫謐甯陵偃師相  
去八百里亳眾往耕似爲非理然考商邱爲今  
河南歸德府治商邱縣南亳穀熟舊縣在今歸

德府城東南四十里是南亳卽商邱如張守節說則孟子湯居亳在湯未遷時故得使亳眾往爲葛耕皇甫謐說不足難已又如集解引鄭君說是亳有殷地故此詩言宅殷土也

氏羌

殷武自彼氏羌

箋夷狄國在西方

漢地理志隴西郡有氏道羌道  
括地志隴右岷洮叢等西羌也

案漢氏道在今甘肅清水縣西南羌道在今甘

肅洮州廳西

有娥

長發有娥方將

傳有娥契母也箋禹敷下土之時有娥氏之國亦  
始廣大有女簡狄吞齔卵而生契堯封之於商  
離騷經見有娥之佚女注有娥國名契母簡狄也  
淮南墜形訓有娥在不周之北高注有娥國名也  
娥讀如嵩高之嵩

史記殷本紀桀敗於有娥之虛

說文娥帝高辛之妃契母號也从女畎聲詩曰有

王言周地卷六  
城方將

案淮南高注讀城爲嵩高之嵩此必有所受漢志潁川郡密高武帝置以奉太室山是爲中岳古文以爲外方山也在今河南登封縣西張守節謂有城當在蒲州北此蓋因桀郡安邑而誤王氏地理考引朱氏云舊說有城國在不周之北恐不應絕遠如此謹案朱說是也舊說蓋卽指淮南言之山海經西山經又西北三百七十里曰不周之山郭注此山形有缺不周而處因名云西北不周風自此山出大荒西經亦云西



北海之外大荒之隅有山而不合名曰不周  
子離騷王逸注呂覽本味注竝言不周山在昆  
侖西北此朱氏所謂絕遠也竊謂淮南所言不  
周蓋非山海經之不周山也昆侖已去中國數  
千里況不周尙在其西北耶

韋顧 昆吾

韋顧旣伐昆吾夏桀

傳有韋國者有顧國者有昆吾國者箋韋彭姓也  
顧昆吾皆已姓也

左氏襄公二十四年傳在商爲豕韋氏注豕韋國

名東郡白馬縣東南有韋城又哀公二十一年傳  
公及齊侯邾子盟于顧注齊地又哀公十七年傳  
見人登昆吾之觀注衛有觀在古昆吾之虛今濮  
陽城中

國語鄭語祝融其後八姓於周未有侯伯佐制物  
於前代者昆吾爲夏伯矣大彭豕韋爲商伯矣當  
周未有已姓昆吾蘇顧溫董董姓謨夷豢龍則夏  
滅之矣彭姓彭祖豕韋諸稽則商滅之矣韋注昆  
吾祝融之孫陸終第二子名樊爲已姓封於昆吾  
昆吾衛是也其後夏衰昆吾爲夏伯遷于舊許傳

曰楚之皇祖伯父昆吾舊許是宅大彭陸終第三子曰篳爲彭姓封於大彭謂之彭祖彭城是也豕韋彭姓之別封於豕韋者殷衰二國相繼爲商伯昆吾蘇顧溫董五國皆昆吾之後別封者莒其後續郡國志河東安邑有昆吾亭湯伐桀戰處

通典滑州韋城縣古豕韋國濮州濮陽縣卽昆吾之墟亦曰帝邱

郡縣志顧城在濮州范縣東二十八里夏之顧國括地志濮陽縣古昆吾國故城縣西三十里昆吾臺在縣西百步在顧帝城內周迴五十步高二丈

卽昆吾虛也

案漢東郡韋城隋唐宋時并置縣金廢爲鎮其故城在今河南滑縣東南五十里顧城在今山東范縣東南五十里濮陽今直隸開州也州西南有濮陽城古顓頊之墟曰帝邱夏時爲昆吾氏所居城中有昆吾臺亦曰昆吾城也

景山

殷武陟彼景山

左氏昭四年傳商湯有景亳之命

括地志宋州北五十里大蒙城爲景亳湯所盟也

地因景山爲名

九域志亳城古景亳也本帝嚳之墟湯都之書云  
湯始居亳從先王居在應天府

寰宇記景山在應天府楚邱縣北三十八里

案今河南偃師縣有緱氏城文選洛神賦陵景  
山李注稱河南郡圖曰景山在緱氏縣南七里  
者也縣南二十里有景山卽此詩之景山也